

Na osnovu člana 9. i 11. Zakona o udruženjima i fondacijama Brčko Distrikta («Službeni glasnik Brčko Distrikta», broj: 12/2002), Osnivačka Skupština Udruženja, na sjednici odžanoj 01.07.2013. godine, donosi

S T A T U T

Udruženja „Šahovski klub VELEMAJSTOR“ Brčko distrikt

I OPŠTE ODREDBE

Član 1.

Ovaj statut utvrđuje pravila Udruženja „Šahovski klub VELEMAJSTOR“ Brčko distrikt (u daljem tekstu „Udruženje“) i sadrži odredbe o: nazivu, sjedištu i području na kome se ostvaruje djelatnost, programskim ciljevima i zadacima i sadržini djelatnosti, pravima, dužnostima i odgovornostima članova, organizaciji, zastupanju i predstavljanju, pravnom statusu, znaku, pečatu, štambilju, izvorima materijalnih sredstava i namjeni imovine za slučaj prestanka rada.

Član 2.

Udruženje je slobodna, dobrovoljna, samostalna, neprofitna, nepolitička i vanstranačka organizacija građana koja se osniva u Brčko Distriktu, a radi ostvarivanja ličnih i zajedničkih interesa i ciljeva građana u oblasti automobilizma, auto sporta i edukacije o istom. U Udruženju nije dozvoljena rasna, nacionalna, polna diskriminacija, te kršenje prava čovjeka i građanina.

II NAZIV, SJEDIŠTE I PRAVNI STATUS

Član 3.

Naziv Udruženja je: Udruženje građana šahovski klub VELEMAJSTOR Brčko distrikt.
Skrraćeni naziv Udruženja je: „ŠK VELEMAJSTOR“

Sjedište Udruženja je: Brčko, Jovana Dučića 4, Brčko distrikt.

Član 4.

Udruženje ima svojstvo pravnog lica sa pravima, obavezama i odgovornostima koje proizilaze iz zakona i ovog statuta.

Član 5.

Rad Udruženja je javan.

Udruženje slobodno saraduje sa domaćim i stranim Vladinim i nevladinim organizacijama, udruženjima i pojedincima u skladu sa Zakonom i ovim statutom.

Član 6.

Udruženje ima pečat okruglog oblika sa prečnikom, u gornjem dijelu sa kružnim natpisom latinicom: Udruženje Šahovski klub VELEMAJSTOR Brčko distrikt, a na donjem dijelu kružnim natpisom na ćirilici: Udruženje Šahovski klub VELEMAJSTOR Brčko distrikt.

Udruženje ima štambilj pravougaonog oblika.

Udruženje ima znak koji utvrđuje Skupština.

III PROGRAMSKI CILJEVI I DJELATNOST

Član 7.

Djelatnost Udruženja je:

- 85.51 Obrazovanje i podučavanje u području sporta i rekreacije
- 93.12 Djelatnosti sportskih klubova
- 93.19 Ostale sportske djelatnosti
- 94.99 Djelatnost ostalih članskih organizacija d.n.

Ciljevi udruženja su:

1. Okupljanje ljubitelja šaha u sekcije i druge oblike organizovanja, te unapređenje šahovske igre.
2. Organizovanje škole šaha i takmičenja za mlade, te izbor kvalitetnijih takmičara za učešće na turnirima.
3. Organizovanje, omasovljenje i unapređenje šahovske igre i šahovske djelatnosti.
4. Stručno usavršavanje putem stručne literature, šahovskih škola, seminara i na druge načine.
5. Učestvovanje na šahovskim takmičenjima u skladu sa Programom rada i kalendarom takmičenja.
6. Obezbjedivanje povoljnijih materijalnih, prostornih i tehničkih uslova za rad.
7. Obezbjedivanje primjene propisa i pravila šahovske igre.
8. Organizovanje rada vlastite stručne službe.
9. Pripremanje i izdavanje biltena sa šahovskih takmičenja, fotografija i slično.
10. Razvijanje međusobnih odnosa i saradnje u oblasti šaha sa ostalim klubovima i školama na području i van Brčko distrikta, kao i saradnja sa medijima.
11. Druge aktivnosti koje nisu u suprotnosti sa zakonom.

IV ORGANIZACIJA I ČLANSTVO

Član 8.

Udruženje građana Šahovski klub VELEMAJSTOR djeluje na području Brčko distrikta. Rad Udruženja je javan. Javnost rada ostvaruje se redovnim informisanjem članstva i šire javnosti putem web stranice i ostalih medija.

Član 9.

Član Udruženja može postati svaki građanin, kao i dijete starije od 5 godina iz Brčko Distrikta i drugih gradova BiH, koji prihvata ovaj statut i druga normativna akta, a čije članstvo potvrđuje Skupština. Članovi mogu biti redovni, pomažući i počasni.

Redovni član je svaka osoba koja prihvata ciljeve i pravila rada Udruženja.

Pomažući član može biti svaka pravna ili fizička osoba koja materijalnim sredstvima i aktivnošću djeluje u ostvarenju ciljeva Udruženja.

Počasni član može postati fizička ili pravna osoba koja ima posebne zasluge u ostvarenju ciljeva Udruženja. Počasnim članstvom ostvaruje se najviše priznanje Udruženja „Šahovski klub VELEMAJSTOR“ Brčko distrikt, a odluku o tome donosi Skupština.

Član 10.

Osnovni organizacioni oblik dobrovoljnog učlanjivanja u Udruženje je šahovska sekcija. Način formiranja šahovske sekcije reguliše se posebnom odlukom.

Odluku o prijemu u članstvo donosi Skupština, odnosno osnivači Udruženja, a na pismeni zahtjev kandidata.

Član 11.

Članovi imaju pravo da:

- budu informisani o radu Udruženja, njegovih organa i tijela putem oglasne table, prigodnih publikacija i drugih sredstava javnog informisanja,
- pomažu osnivačima Udruženja, u realizaciji postojećih i utvrđivanju novih programskih zadataka.
- budu birani u organizacije i saveze u koje je učlanjeno Udruženje.

Član 12.

Članovi su dužni da:

- aktivno rade na ostvarenju zadataka, programa i odluka,
- blagovremeno uplaćuju članarinu,
- posvećuju pažnju stručnom uzdizanju i da se pridržavaju utvrđenih i uobičajenih pravila ponašanja, a što se odnosi na poštovanje Statuta i ostalih pravilnika o ponašanju članova kluba,
- podižu i čuvaju ugled Udruženja.

Član 13.

Članstvo prestaje istupanjem, isključenjem zbog duže neaktivnosti člana, ili nepoštovanja odredaba ovog statuta ili narušavanjem ugleda i interesa Udruženja, kao i neblagovremenim plaćanjem članarine. Odluku o isključenju člana donosi Skupština kluba.

Član 14.

Odluku o prestanku članstva donosi Skupština, tj. Osnivači kluba.

Odluka o prestanku članstva se donosi na isti način i po istom postupku kao i odluka o prijemu. Članu Udruženja se mora omogućiti da se izjasni o razlozima zbog kojih je podnijet prijedlog za donošenje odluke o prestanku članstva u Udruženju.

Član 15.

Udruženje „Šahovski klub VELEMAJSTOR“ Brčko distrikt može biti udruženo u BIH šahovke saveze i organizacije sličnog tipa, a može biti član drugih klubova. Udruženje može osnovati i svoje podružnice i sekcije. Podružnice i sekcije nemaju pravnu osobnost. Udruženje ima sledeće organe:

1. Predsjednika
2. Skupštinu koju sačinjavaju osnivači

Nadležnost, izbor, formiranje i rad drugih organa, stručne službe i druga operativna pitanja iz rada Udruženja regulišu se posebnim pravilnicima o radu koje takođe donosi Skupština.

Član 16.

Organi osim Predsjednika, rade u sjednicama.

Mandat članova organa traje 1 godinu i može prestati prije isteka roka ostavkom, opozivom i prestankom članstva. Isto lice može oponašati funkciju i biti izabrano više puta uzastopno.

Član 17.

Organi Udruženja odlučuju o svim pitanjima koja se stave na dnevni red i to većinom glasova ukupnog broja članova organa ili tijela.

Član 18.

Skupština je organ Upravljanja i najviši organ Udruženja i čine je osnivači kluba.

Član 19.

Sjednice Skupštine održavaju se prema potrebi, a najmanje jednom godišnje.

Skupštinu saziva Predsjednik Skupštine, odnosno predsjednik Udruženja, po sopstvenoj inicijativi, ili na zahtjev sekretara i ostalih osnivača.

Bliže odredbe o Skupštini regulišu se Poslovníkom o radu Skupštine.

Član 20.

Skupština, kao najviši organ udruženja je nadležna za:

- donosi Statut, Poslovníkom o radu i druge akte određene statutom kao i njihove izmjene i dopune.
- donosi program rada,
- donosi plan prihoda i rashoda i usvaja završni račun,
- razmatra i usvaja izvještaje o radu drugih organa,
- razmatra inicijative i prijedloge članova i odlučuje o svim pitanja od interesa za ostvarivanje programskih ciljeva,
- bira i razrješava Predsjednika Udruženja, Predsjednika Skupštine i druge organe u skladu sa ovim Statutom.
- stara se o radu organa i obezbjeđuje materijalno-finansijske, tehničke i druge uslova za rad,
- odlučuje o pripajanju drugom udruženju, razdvajanju, transformaciji, raspuštanju i prestanku rada, kao i o drugim statusnim promjenama udruženja,
- odlučuje o novčanim nadoknadama za rad Predsjednika I članova Skupštine,
- odlučuje o svim drugim pitanjima koja nisu u nadležnosti drugih organa udruženja

Članovi Skupštine se biraju iz reda osnivača.

Član 21.

Predsjednik Udruženja:

- predstavlja i zastupa Udruženje u pravnom prometu, bez ograničenja ovlaštenja,
- rukovodi radom udruženja između dvije sjednice Skupštine,
- stara se o zakonitosti i pravilnosti rada Udruženja, provođenju programskih zadataka i o izvršenju finansijskog plana,
- ima ovlaštenja finansijskog nalogodavca u odnosu na sredstva i imovinu Udruženja,
- raspolaze imovinom Udruženja u skladu sa programskim ciljevima Udruženja,
- može imenovati lica i ovlastiti ih za zastupanje u pravnom prometu,
- odlučuje o zapošljavanju saradnika i osoblja, prema potrebi i u skladu sa ciljevima Udruženja,
- vrši i druge poslove u skladu sa ovim Poslovníkom,
- za svoj rad odgovara Skupštini.

Mandat Predsjednika Udruženja traje jednu godinu i može se obnavljati. Mandat može prestati i ranije:

- razriješenjem na lični zahtjev,
- opozivom od strane Skupštine Udruženja zbog neodgovornog, nesavjesnog rada ili zbog grubog kršenja Zakona i Statuta udruženja, a na osnovu pravosnažne sudske presude kojom je to utvrđeno,
- zbog smrti.

Skupština može imenovati i druge zastupnike Udruženja koji u slučaju duže odsutnosti ili spriječenosti Predsjednika Udruženja, zastupaju Udruženje i potpisuju sva finansijska i novčana dokumenta u ime udruženja.

U organe udruženja mogu biti izabrani SAMO osnivači kluba.

Član 22.

Sekretari Udruženja:

- pomaže u radu Predsjedniku Udruženja i obavlja administrativne i druge stručne poslove.
- Sekretar se stara o pripremi svih nacрта i prijedloga akata za Skupštinu i druge organe.
- Odgovara za svoj rad Predsjedniku i Skupštini Udruženja.

Sekretar, ili više njih se biraju iz redova osnivača kluba.

Član 23.

POSLOVNA TAJNA

Poslovnu tajnu Udruženja „Šahovski klub VELEMAJSTOR“ Brčko distrikt čine isprave i podaci čije bi otkrivanje neovlaštenoj osobi bilo protivno poslovanju i štetilo interesima i ugledu kluba. Poslovnu tajnu moraju čuvati svi članovi i tijela Udruženja koji na bilo koji način saznaju za ispravu ili podatak koji je utvrđen kao poslovna tajna. Ko neovlašteno otkrije poslovnu tajnu biće isključen iz Udruženja. Uprava Udruženja donosi odluku koje se isprave i informacije smatraju poslovnom tajnom.

V IZVORI MATERIJALNIH SREDSTAVA, IMOVINA I NAMJENA IMOVINE ZA SLUČAJ PRESTANKA RADA UDRUŽENJA

Član 24.

Radi ostvarivanja svojih ciljeva Udruženje pribavlja sredstva od članarine, dobrovoljnih priloga i poklona javnih institucija, fizičkih i pravnih lica, kako stranih tako i domaćih, u gotovini, uslugama ili imovini bilo koje vrste, novčanih sredstava odobrenih iz budžeta Distrikta, entiteta i državnog budžeta, pomoći drugih organizacija i udruženja, finansijskih subvencija, kao i od sopstvenih prihoda ostvarenih obavljanjem izdavačke djelatnosti, prihoda od kamata, članarina, honorara i sličnih izvora pasivnog prihoda, drugih prihoda ostvarenih na način određen Statutom i ostalih prihoda u skladu sa zakonom.

Član 25.

Udruženje slobodno raspolaže finansijskim sredstvima u skladu sa usvojenim finansijskim planom i odlukama organa Udruženja.

Član 26.

Udruženje prestaje sa radom, pripaja, razdvaja ili se transformiše:

- Odlukom Skupštine Udruženja o prestanku rada pripajanju ili transformaciji,
- U drugim slučajevima predviđenim Zakonom.

Član 27.

U slučajevima iz člana 26. Skupština Udruženja donosi u roku od 7 (sedam) dana odluku o ukupnoj imovini Udruženja.

Odlukom iz prethodnog stava konačno se određuje i raspodjela finansijskih sredstava, imovine i imovinskih prava Udruženja.

VI PRELAZNE I ZAVRŠNE ODREDBE

Član 28.

Izmjene i dopune ovog Statuta vrše se po postupku za njegovo donošenje.

Član 29.

Ovaj Statut stupa na snagu danom donošenja, a njegova aktivna primjena vršiće se od dana upisa u sudski registar Brčko distrikta.

**PREDSJEDNIK SKUPŠTINE
UDRUŽENJA**

Marko Mišović

Brčko, 01.07.2013. godine